

На Утрени Бог Господь, глас 3:

Тропарь воскресен, глас 3:

Да веселятся небесная,/ да радуются земная:/ яко сотвори державу/
мышцею Своею Господь,/ попрá смёртию смёрть,/ первенец мёртвых бысть,/ из чрева адова избáви нас, // и подаде миру вéлию милость. **Дважды.**

Слава и ныне: Богородичен:

Тя ходатайствовавшую спасение рода нáшего,/ воспеваем, Богородице
Дéво:/ плотию бо от Тебе восприятоу Сын Твой и Бóг наш,/ Крестом
восприим страсть, // избави нас от тли, я́ко Человеколюбец.

Канон воскресный, глас 3:

Песнь 1

Ирмос: Вóды дрéвле/ мáнием Божéственным/ во еди́но сонмище
совокупíвый/ и разделíвый море Израильтеским лю́дем,/ Сей Бóг нáш/
препрослáвлен есть. // Тому Единому поим, я́ко прослáвился.

Катавасия: Отверзу уста моя,/ и наполнятся Духа,/ и слово отрыгну Царице
Матери,/ и явлюся светло торжествуя, // и воспою радуясь Той чудеса.

Песнь 3:

Ирмос: Иже от несущих вся Приведый,/ Сло́вом созида́емая,/ соверша́емая
Ду́хом,/ Вседержителю Вы́шний, // в любви Твоей утверди́ мене́.

Катавасия: Твоя песнословцы, Богорóдице,/ живый и незавíстный
истóчнице,/ лик себе совокупльшия, духо́вно утверди́:/ в Божественней
Твоей сла́ве // венцев сла́вы сподоби.

Песнь 4:

Ирмос: Положил еси к нам твердую любовь, Гóсподи,/ Единорóднаго бо
Твоего Сына за ны на смерть дал еси./ Тёмже Ти зовем, благодаряще: // слава
си́ле Твоей, Гóсподи.

Катавасия: Седя́й в славе,/ на престоле Божества,/ во облаце лёгце/ при́де
Иисус Пребожéственный,/ нетленною длáнию,/ и спасе зову́щия: // слава,
Христé, си́ле Твоей.

Песнь 5:

Ирмос: К Тебé утреннюю, всéх Творцú,/ преимúщему всяк ум мýрови,/ занé
свет повелéния Тво́я, // в нихже наста́ви мя́.

Катавасия: Ужасошася всячская/ о Божественной славе Твоей:/ Ты бо, Неискусобращная Дѣво,/ имела еси во утробе над всеми Бóга/ и родила еси безлетнаго Сына,/ всѣм воспевающим Тя// мѣр подающая.

Песнь 6:

Ирмос: Бѣдна последняя грехов обыде мѣ,/ и исчезает дѣх мой;/ но прострѣй, Владыко, высокую Твою мѣщцу,// яко Петра, мѣ, Управителю, спасѣ.

Катавасия: Божественное сие и всечестное/ совершающее прѣзднество,/ богомудрии, Богоматере/, приидите, руками восплѣщим,// от Нея рождшагося Бóга славим.

Песнь 7:

Ирмос: Якоже дрѣвле/ благочестивыя три отроки оросѣл еси/ в пламени халдѣйстем,/ свѣтлым Божества огнем и нас озари,// благословен еси, взывающия, Бóже отец наших.

Катавасия: Не послужиша твари богомудрии/ паче Создавшаго,/ но огненное прещение мужески поправше,/ радовахуса поюще:// препетый отцев Господь и Бóг благословен еси.

Песнь 8:

Ирмос: Нестерпимому огню соединившися,/ Богочестия предстояще, юноши,/ пламенем же невреждени,/ Божественную песнь пояху:/ благословите, вся дела Господня, Гóспода// и превозносите во вся вѣки.

Катавасия: Отроки благочестивыя в пещи/ Рождество Богородино спасло есть;/ тогда убо образуемое,/ ныне же действующее,/ вселенную всю воздвизает пѣти Тебе:/ Гóспода пойте дела// и превозносите Егó во вся веки.

Песнь 9:

Ирмос: Новое чудо и Боголѣпное:/ девическую бо дверь затворенную/ яве проходит Господь,/ наг во входе,/ и плотносец явился во исходе Бóг,/ и пребывает дверь затворена.// Сию неизреченно яко Богоматерь, величаем.

Катавасия: Всяк земнородный/ да възграется, Духом просвещаемь,/ да торжествует же безплотных умов естество,/ почитающее священное торжество Богоматере,/ и да вопиет:/ радуйся, Всеблаженная// Богородице, Чистая Приснодево.